


DISSERTATIO MEDICA

INAUGURALIS,

DE

RHEUMATISMO ACUTO.



DISSERTATIO MEDICA,
INAUGURALIS,

DE

RHEUMATISMO ACUTO.

QUAM,
ANNUENTE SUMMO NUMINE,
Ex Auctoritate Reverendi admodum Viri,

D. GULIELMI ROBERTSON, S. S. T. P.
ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,
Et nobilissimae FACULTATIS MEDICÆ decreto,

PRO GRADU DOCTORIS,

SUMMISQUE IN MEDICINA HONORIBUS ET PRIVILEGIIS
RITE ET LEGITIME CONSEQUENDIS;
Eruditorum examini subjicit

RICARDUS SHARPE KISSAM,
AMERICANUS.

Ad diem 12. Septembris, hora locoque solitis.

EDINBURGI:
Apud BALFOUR et SMELLIE,
Academiae Typographos.

M,DCC,LXXXVII.

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC


1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC

1887 ATIO MEDIC



CAROLO M'KNIGHT, M.D.

Anatomes in Academia Novi-Eboraci

Professori,

Viro omni laude majori,

Ob amorem vere paternum,

Et beneficia nunquam memoria lapsura,

In se libera manu cumulata,

Has studiorum fuorum

(Quae ipse exemplo et praeceptis fovit, aluitque)

Primitias

Sacras esse voluit

RICARDUS SHARPE KISSAM.

DISSERTATIO MEDICA,

INAUGURALIS,

DE

RHEUMATISMO ACUTO.

HISCE verbis rheumatismum definit celeberrimus Cullenus: “ Morbus
“ ab externa et plerumque evidente causa;
“ pyrexia: Dolor circa articulos, muscu-
“ lorum tractum sequens; genua et reli-
“ quos majores potius quam pedum et ma-
“ nuum articulos infestans.”

Rheumatismus, omnium fere auctorum consensu, in duas species distinguitur; acutam, scilicet, et chronicam. De priore
A tantum

tantum nunc pauca differere mihi in animo est.

Ex Aretaei * Cappadocis, aliorumque antiquiorum scriptis apparet, omnes dolores articulos aggredi solitos, seu arthriticos, si-
ve rheumaticos, quaecunque demum fuerit eorum natura, acuta chronicave, sub nomine Arthritidis vel Ischiadis fuisse comprehensos.

Botallus, scriptor Gallicus, duas hujus morbi species primus discrevit, atque alteram frigidam, calidam alteram, appellavit. In posterioris curatione copiosam sanguinis detractionem commendavit; in prioris vero, prorsus prohibuit.

Ballonius, auctor Lutetianus, morbum hunc e tenebris quibus per tot secula obductus fuerat, eripuit; ac eundem inter, catarrhum et podagram limites accuratos ponendos curavit.

Syden-

* De Caus. et Signis Morb. Diuturn. lib. ii. c. 12.

Sydenhamus tamen illustris, ex omnibus scriptoribus, qui huic morbo elucidando operam navarunt, primas partes optimo jure obtinuit. Is enim diagnosin claram inter acutam et chronicam stabilivit.

MORBI HISTORIA.

Auctores omnes una voce consentiunt, rheumatismum in regionibus frigidis temperatisque, magis quam in calidis, saevire. Vere atque autumno praecipue grassatur, quia tunc tempestas mutabilior. Quamobrem, in plagis borealibus ubi frigus, in torridis ubi calor magis assiduus, rarius sese ostendit. Frigus corpori plus aequo aestuanti admotum, hunc morbum, prae omnibus aliis causis, producere solet. Hinc clarissime patet, cur vere et autumno magis invadat. Sexus nullus, aetas nulla, temperamentum

4 DE RHEUMATISMO ACUTO.

ramentum nullum, causis remotis fatis validis applicatis, ab hoc morbo immunis est, etsi constitutio sanguinea cum plethora conjuncta ad eum maxime proclivis sit. Homines senio confectos raro, infantes rarissime, aggreditur; sed plerumque ab anno aetatis quindecimo ad trigesium quintum grassatur. Infantes tamen doloribus rheumaticis, ut videtur, similibus, saepissime excruciantur, qui a vermibus aliisve infantum morbis aliquando originem ducunt. Mulieres, quam viri, huic morbo magis sunt obnoxiae; atque hanc opinionem, jamdudum habitam, in praelectionibus suis clinicis, ex observatione longa et accuratissima, nuperrime confirmavit clarissimus Home.

Initio morbi aeger languorem atque lassitudinem conqueritur. Pallor et frigoris sensus totum corpus, praecipue vero artus extremos, adoriuntur. Horror et rigor, ut in febris intermittentis accessu, primum per dorsi spinam, deinde per cutem universam, sese diffundunt. Sequitur calor, initio praecordia

cordia cum anxietate afficiens, mox partes externas aggressurus, pulsu arteriarum frequentiore, nonnunquam respiratione molesta stipatus. Nunc sitis, cibi fastidium, plerumque nausea, aliquando vomitus, symptomatibus modo descriptis sese adjungunt. Arescit lingua, simulque fit alba. Alvus tarda est; urina, initio morbi rubra, sedimentum nullum, progrediente autem morbo, sedimentum furfuraceo-lateritium in matulam deponit. Urina tamen, ita constituta, ut et sudor, qui in rheumatismo plerumque nonnullus adest, gelidus, glutinosus, raro morbum judicat, nisi copiosus sponte effluxerit *.

Post diem unum alterumve, dolores artus majores, praecipue genua, summam coxam, aliasque magnorum ossium juncturas, invadunt. Dolor saepe artus alternis vicibus aggreditur; et ipse vidi mulierem
rheumatismo

* Hoffmann. Med. Ration. System. tom. 4. p. 2.
f. 1. c. 9. § 18.

6 DE RHEUMATISMO ACUTO.

rheumatismo laborantem sub cura celeberrimi Home in Nosocomio Edinenſi, cui haec alternatio in carpiſ repetitis vicibus accidit.

Saepe unum articulum tantummodo infeſtat: Sed, ſi febris gravis fuerit, plures ſimul aggreditur; tractumque muſculorum, ut in Culleniana definitione jam antea dictum eſt, ſequitur. Lectorum calore, et culcitae mollitie, noctu plurimum exaſperatur moleſtia, atque tum ingraveſcit febris. Procedente morbo, ubi plures articuli ſimul afficiuntur, aeger ſtragulorum pondus ferre vix poteſt. Dolore jamdudum perſtante, artus tumefcunt et rubefcunt, dum ſymptomata praegreſſa leviora evadunt.

Sanguis e vena miſſus, jamque in vas receptus, ſuperficiem coriaceam albam, ut in aliis phlegmaſiis, oſtendit.

Febris incertae eſt durationis, aliquando uſque ad hebdomadam ſecundam, raro ultra tertiam, protracta.

Rheuma-

Rheumatismus epistaxi, aliisve haemorrhagiis spontaneis, aliquando judicatus est. Urina lateritia, et diarrhoea, nonnunquam morbum solvisse visae sunt. Sed his crisi-
bus minus fidendum est.

Morbus noster, caeteris phlegmasiis multis in rebus affinis, hac saltem ab iis plurimum distat: Quod raro aut nunquam in suppurationem desinat. Aliquando certe liquor seroso gelatinosus in tendinum involu-
lucra exsudasse dicitur, quem resorptum fuisse necesse est, quum vix unquam oporteat ei per foramina arte facta exitum praebere.

Rheumatismus aliquando se in partes internas transfert, praecipue si perperam tractatus fuerit. Talem casum verbis frequentibus memorat cl. Tissot: “ Je vis, il
“ y a deux ans, un homme robuste, qui,
“ quand on m’appella, avait déjà la gan-
“ grene dans les boyaux, dont le mal avait
“ commencé par un rhumatisme au bras
“ et

8 DE RHEUMATISMO ACUTO.

“ et au genou, qu'on avait voulu dissiper,
“ en le faisant fuer avec des choses chau-
“ des. Il avait effectivement beaucoup
“ sué, mais l'humeur inflammatoire se jet-
“ ta sur les intestins; l'inflammation dege-
“ nera en gangrene, apres trente six heures
“ de douleurs les plus aigues; et il mou-
“ rat deux heures après que je l'eus vu *.”

Idem auctor, in loco modo citato, dicit
se vidisse rheumatismum in palpebras et
dentes translatum, atque ibi dolores hor-
rendos facientem. Aliquando, teste eodem,
se in cerebrum vel pulmones conjicit; in
illo delirium, in his suffocationem ciens.
Archiater Caesareus Stork morbum nos-
trum nonnunquam in apoplexiam vel pa-
ralysin finem fecisse testatur. Neque raro
in hydropem, praecipue si sanguis justo li-
berius detrahatur, desinere visus est.

DIAG-

* Tissot, Avis au Peuple, § 164. p. 128.

D I A G N O S I S.

Rheumatismus ab arthritide dignoscitur ratione aetatis, sexus, temperamenti, causarum, partium affectarum, et symptomatum sedulo habita.

De aetate imprimis notandum venit, juvenes et robustos rheumatismo, senes et luxuria confectos arthritide, saepius corripit. Haec plerumque circa annum aetatis quadragesimum aggreditur; ille raro post annum trigesimum quintum excruciare incipit. Viri arthritidi, mulieres rheumatismo magis obnoxiae, constitutio sanguineo-plethorica rheumatismum designat; habitus corporis tenuior et temperies cholericarum arthritidi magis opportuni. Hippocrates, ni fallor, eos qui aetate juniore epistaxi aliis-

B

que

que haemorrhagiis proclives fuerunt, in media aetate phthifi, in provectiore arthritidi, pronos fore asseruit. Atque hic eum voce *Αῤῥητις* rheumatismum designasse arbitror, quum homines corporis fabrica tene-riori praeditos coeli injuriis, rheumatismum efficientibus, maxime obvios fore verisimile est.

Rheumatismus causis externis, arthritis internis praesertim debetur: Articulorum tamen contorsio utrumque producere potest. Arthritici plerumque paroxysmum suum ad aliquam cibi potusve intemperantiam referre possunt: Rheumatismo laborantes, frigori aut humori externe applicato. Hic plerumque subito aggreditur; illam flatus, appetitus abnormis, capitis confusio aut vertigo, saepe antecedunt, cum alvi constipatione.

In arthritidis paroxysmo aegrum insolito veneris oestro percitum esse saepe observatum fuit. Neque desunt exempla ejusdem

dem stimuli rheumaticos afficientis. Arthritis, teste Hoffmanno, articulorum ligamenta invadit, dum morbus noster musculos potius excruciat; haec vero regula haud facile in praxi applicatur. Constat tamen rheumatismum artus majores, praesertim genua, coxas, et humeros afficere, arthritidem autem minores, ut manuum pedumque digitos, invadere solitam esse.

Notis jam enumeratis forsan adjicere licebit, quod,

I. Tumor, isque magis rubicundus, saepius arthritidem quam rheumatismum comitatur.

II. Arthritis, ubi semel se in corpus insinuavit, difficilius depellitur; saepius recidit, quam morbus alter.

III. Arthritis plerumque uni aut alteri articulo insidet; rheumatismus saepe latius diffunditur.

IV.

IV. In aegris debilioribus, arthritis plerumque vagus fit, atque haud raro viscera invadit; dum in corporibus similibus noster morbus saepe externas partes solummodo afficit.

V. Arthritis, quando intestina adoritur, diarrhoeam debilitantem saepenumero ciet, dum alvus rheumatismo affectis plerumque constipatur.

VI. In ventriculo, arthritis nauseam horrendam et frigoris sensum cum dolore gignit: Rheumatismus ibidem dolorem acutum solummodo producit.

Scorbutum et siphylidem a rheumatismo acuto dignoscere nunquam non erit facile; praesertim si ad eorum causas et ad sequentia scorbuti symptomata animum attendamus. In hoc enim, pulsus parvus, inaequalis, urina verficolor, et magna putredinis indicia.

In lue venerea dolores noctu quidem, ut in rheumatismo, ingravescent, sed medias ossium partes praecipue infestant.

Rheumatismus acutus saepe in chronicum degenerat; ideoque limites accuratos inter duas morbi species ponere haud facile est. Ubi nulla restat pyrexia, artus frigescent, rigent, et absque rubore dolent; ubi dolores frigore admoti² augentur, calore applicato levantur, tunc morbum rheumatismum chronicum esse judicare licet. Complures adhuc sunt notae diagnoseos inter acutum et longum quas enumerare prorsus supervacaneum foret.

CAUSÆ REMOTÆ.

In morbi historia, et in diagnosi, causas praedisponentes, aetatem scilicet, sexum, tempera-

14 DE RHEUMATISMO ACUTO.

temperamentum, ad hunc morbum maxime proclives, jam enumeravi.

Causae constitutionis sanguineo-plethoricae variae sunt, praecipuae vero, vita sedentaria, Morpheus nimis cultus, cibi animalis copia justo major, evacuationes solitae suppressae, detractiones sanguinis certis intervallis repetitae.

Hae causae actioni causae occasionalis excitantis, jam tradendae, obnoxium reddunt corpus.

Frigus inter causas hujus morbi remotas primum locum summo jure obtinuit. Ut tamen rheumatismum hoc modo inducat, subito, et corpori jam calenti, admoveatur necesse est. Sin in temperie corporis naturali diu applicetur, systema debilitando, ad morbum suscipiendum, praedisponit. De frigoris actione in corpus humanum multum diuque fuit disputatum, neque adhuc lites diremptae sunt. Nonnulli, et praefertim

sertim Hunterus ingeniosus, frigus non alio modo stimulare opinantur, quam augendo aut incitando eam facultatem calorem gignendi quam corpus animale omnium consensu possidet. Consimilem, ni fallor, opinionem, sed clarius ac fusius explicatam, diu antea tradiderat in Primis Lineis Cullenus noster illustrissimus: Quippe qui putet frigoris applicationem vasorum extremorum constrictionem facere, atque ita tonum auctum vel diathesin phlogisticam per totum horum vasorum decursum inducere. Hinc oritur impetus sanguinis major, dum vasa ejus transitui magis resistunt. Rebus ita se habentibus, *vis Naturae Mediatricis*, a resistentia jam dicta ad sanguinis impetum ulterius augendum incitatur, quod impetus incrementum quo melius sustinere possit, status frigoris adoritur, spasmus formatur, atque ita pyrexia et diathesis phlogistica per totum systema diffunduntur.

Ex rebus jam memoratis, quid sit rheumatismi

CAUSA

CAUSA PROXIMA

Satis omnibus manifestum erit. Rheumatismus enim iis phlegmasiis quae non a stimulo directo, sed ab aucto sanguinis impetu in vasa partis laborantis oriuntur, maxime affinis est. Sed in nostro morbo fibrarum muscularium affectus peculiaris una adest. Hae fibrae nonnihil rigiditatis habere videntur; minus ideo motui aptae sunt, atque inter movendum dolent. Hic fibrarum in rheumatismo rigor rationem reddit, cur spasmi et articulorum subluxationes hujusmodi affectibus ansam praebeant.

Causa rheumatismi proxima, tanta cura tantoque judicio a Culleno tradita, atque tam ingeniose et firme stabilita, vix necessarium

sarium videtur alias, diu pro veris habitas, recensere. Ne tamen quicquam talibus differtatiunculis solenne libello nostro deesse videatur, praecipuas priorum scriptorum opiniones paucis enumerare libet.

Auctores nonnulli causam proximam hujus morbi ad acrimoniam sanguinis peculiarem retulerunt. Dominicus Cotunnus, scriptor Italicus, materiem acrem circa nervum ischiadicum collectam pro causa ischiadis nervosae assignavit. At haec opinio in sola hypothesi fundata videtur Culleno. Neque tamen negat illustrissimus Professor, materiem acrem nervo admotam morbum rheumatismo affinem creare posse, quod in exemplo dentis cariosi contingit.

Dolores a rheumaticis aegre distinguendos ab apostematibus profundis oriri posse, exempla pluribus scriptoribus, et praesertim cel. Tissot * memorata, negare vetant.

C

Sed

* Avis au Peuple, § 175. p. 131.

Sed Professor ille clarissimus jam crebro antea citatus, casus illos ab ischiade et lumbagine vera, si animus attente adhibeatur, distinguere posse putat.

Alii fluidorum naturam lentam aut viscosam accusârunt. Sed multa argumenta, haud inficianda, vetant ne in hanc sententiam eamus.

I. Hujus sententiae fautores crustam sanguinis coriaceam inflammatoriam pro signo lentoris assumpserunt. Sed, si ulla fides experimentis Hewsoni est adhibenda, sanguis in morbis inflammatoriis tenuior potius quam spissior fit. Ea igitur crusta glutinis a reliquo sanguine separationem pro causa sua agnoscit.

II. Nulla experimenta recte instituta, lentorem sanguinis praeter naturam arguunt; neque unquam, quantum scimus, ea copia glutinis in sanguine adest, quae spissitudinem periculosam efficere possit. Neque
hac

hac in re ex experimentis cl. Brown Langrish quicquam concludere licet, quippe quae in sanguinis partes ab invicem separatas facta sint, nulla attentione ad modum detractionis habita.

Alia argumenta haud minus ingeniosa protulit Cullenus; sed ea quae jam citavimus ad lentoris theoriam evertendam sufficiunt.

P R O G N O S I S.

Diuturna experientia constat, rheumatismum raro lethalem evadere: Nonnulla tamen extant exempla in quibus aegri, hoc morbo vexati, fato cesserunt. Aliquando, medicamentis omnibus incassum tentatis, in rheumatismum longum degenerat, neque raro in anchylosin, paralyfin, aut immedicabilem

medicabilem articulorum rigiditatem, finem facit *.

Si aeger aetate floreat; si alioquin sanus atque vegetus; si morbus nondum inveteraverit; si pyrexiae symptomata mitia; si sudor noctu emanet; si urina furfuracea; si haemorrhagia, diarrhoea, aut cutis efflorescentia, symptomatibus febrilibus levamen attulerit; denique, si aeger nunquam antea hoc morbo correptus fuerit; auspici-um inde faustum ducere licebit.

Sin, e contra, morbus vetustus fuerit; si plus semel jam aegrum affligerit; si corpus inedia morbisve praecedentibus debilitatum invaserit; si in viscera ad functiones vitales exercendas destinata incidat; nunquam non periculum, saepe eventus lethalis, impendit. Resolutione plerumque, puris formatione rarissime, gangraena aut sphacelo, nisi in visceribus, nunquam terminatur.

M E T H O -

* Tissot, § 166.

METHODUS MEDENDI.

Scriptores prisci non magis in curatione quam in natura rheumatismi tradenda accurati fuere. Nihil fere aliud commendat Celsus in coxarum doloribus, sub quo nomine Rheumatismum comprehendendi judicamus, quam fomenta calida et cucurbitulas parti laboranti admotas. Galenus totam curationem, strictius dictam, in corpore firmando posuisse videtur; sed prius sanguinem mittere, quam hanc medendi rationem inchoaret, necessarium judicasse. Nihil fere, quod sit dignum notatu, huic curationi adjecerunt Arabes.

Sub finem saeculi decimi sexti, nomen Rheumatismo primus imposuit Ballonius. Is sanguinis missiones repetitas, et cucurbitularum

tularum applicationem, alvi quoque deductiones lenientibus remediis et clysmatibus ciendas commendavit, thermarum et remedium stimulantium usum omnino prohibuit.

Ea medendi ratio, in Gallia primum usitata, haud ita diu postea per reliquam Europam comprobata est; eademque, saltem perfimili, usus est Sydenhamus illustris. Ille venam quater, aut saepius, pro re nata, secabat, potus refrigerantis et *incrassantis* usum ad libitum permittebat. Cataplasma emolliens loco affecto imponi jubebat. Diebus illis, quibus sanguinis detractionem intermittebat, enema laxans injiciendum curabat. Sin aeger post unam alteramve venae sectionem debiliior evasisset, quam qui ulteriorem fluidi vitalis jacturam ferre posset, cathartica mitiora alternis diebus propinare solebat. Ejusdem diei vespera haustum paregoricum ex syrupo e meconio administrabat, usquedum ad pristinam sanitatem restitutus esset aegrotus.

Medicamentis anodynis uti prorsus vetabat, si spes curationis sanguinis detractio-
ni inniteretur. Hinc medicus ille celeberrimus opium effectus edere, effectibus venae-
sectionis prorsus contrarios, putasse videtur. Similem opinionem, in tractatu suo
de opio, prodidit cl. Young.

Morbo his remediis resistente, si corpus
ulteriores inanitiones ferre ineptum esset,
medicamentorum antiscorbuticorum, prae-
cipue conservae cochleariae hortensis et lu-
julae vires experiebatur.

Medendi tamen rationem nunc memo-
randam in rheumatismo eorum, qui adhuc
juvenes, nondum Baccho aut Veneri nimis
indulserant, priore non minus efficacem esse
animadvertit. Solo lactis fero per plures
dies aegrum alebat, deinde, symptomatibus
jam levioribus factis, panem similagineum
semel de die usque ad plenam valetudinem
adjiciebat. Sanitate in melius vertente, di-
aetam plenioram permittebat.

Et-

Etmullerus, qui de hoc morbo sub nomine Arthritidis vagae scorbuticae tractat, in morbi initio ac progressu sanguinis missionem laudat, quam nihilominus haud nimis frequenter iterandam putat. Cucurbitulis cruentis saepe loco venaesectionis usus est. Remediorum vomitoriorum administrationem in morbi initio multum probabat.

Aliam et prorsus diversam medendi rationem instituit Ricardus Morton. Vena semel bisve secta, et ventriculo per emeticum evacuato, quam primum pyrexia remittebat, corticis Peruviani cum opi^o conjuncti doses frequentes adhibere solebat, atque linctus *incrassantes* et lubricantes, pro aegrotantis arbitrio, permittebat, etiam nulla tussi urgente.

Variis medendi rationibus sic breviter enumeratis, nunc, majore cum oblectamento et fiducia, animum ad eam methodum vertimus, quae a Cullenio in Primis Lineis traditur,

traditur, quaeque omnibus aliis summo jure palmam praeripuit.

Ea medela partium affectarum inflammationi, et diathesi totius corporis phlogisticae, tollendis, innititur.

Diathesi phlogisticae optime occurritur, cibum ex animalibus confectum et potus meraciores evitando, et pro his liquores diluentes aquosas, et diaetam ex lacte et vegetabilibus, substituendo.

In rheumatismo acuto, nullum remedium sanguinis detractione efficacius. Hanc copiose fieri oportet, atque eo frequentius, quo pulsus arteriarum duriores, pleniores, et crebriores, et quo dolor magis acutus sit. Neque tamen medicum fluidi vitalis nimis prodigum esse decet, ne convalescentia tarda sit, aut aeger in rheumatismum chronicum, sanatu difficillimum, dilabatur. Saepe ideo praestat dolores detractione sanguinis topica levare, praesertim ubi in uno

D

tantum

tantum articulo excruciant. Quum vero morbi nostri duratio ex diathesis phlogisticae violentia pendere videtur; ita, pluribus in casibus, minime ex toto detractioni sanguinis locali fidere oportet.

Alvi solutiones, si per cathartica parum stimulantia, et potius refrigerantia, e. g. sales neutros, efficiantur, in diathesi phlogistica debellanda plurimum valent. Neque tamen eadem vi, qua sanguinis missio, pollent; et, morbo ingravescente, sedes frequentes, quippe quae multum incommodi, et magnum doloris, a motu, incrementum, secum adferunt, evitari debent.

Medicamenta corporis partibus rheumatismo laborantibus applicata, parum profunt, atque in morbi initio cruciatus potius augent quam allevant. Verum enimvero camphora et remedia rubefacientia morbum universalem parum omnino minuunt, licet dolores ex artubus affectis in alios saepe transferant.

Epispastica

Epispastica simili ratione magno cum commodo admoventur, ubi morbus unam corporis partem tantummodo afficit. In plagis torridis, ubi hirudines non suppetunt, cantharides in eorum vicem optime succedunt.

Si remedia jam memorata ad morbum tollendum haud valuerint, ad sudorem est recurrendum. Is, remediis parum stimulantibus, amoto omni calore externo, eliciendus est. Neque calorem corporis proprium augere debemus, ne, pyrexia graviore facta, morbus in pejus ruat.

Sudor ab horarum duodecim spatio ad quadraginta octo, pro morbi violentia, protrahendus est, nisi incitatio ab hac administratione nimis aucta fuerit. Aliquando aeger, si valeant vires, somnum arcerere debet, ne sudor dormienti minus copiosus emanet. Denique, quo tutior evadat diaphoresis, alvi lenis subductio sudorificorum

rificorum administrationem praecedere debet.

His rebus caute animadversis, sudorem optime et tutissime elicimus,

I. Balneo tepido, semicupio, aut pediluvio.

II. Liquoribus tepidis diluentibus copiose adsumptis; vini aut aromatis, quo magis gratus sit haustus, pauxillo adjecto.

III. Parvis dosibus salis medii propinatis. Sed

IV. Haec evacuatio omnium praestantissime cietur, largam medicamenti ex opio confecti dosin adhibendo, addendo salem quemvis medium et medicamentum vomitorium, neque ullum remedium pulveri Doveri praestat. Opium tamen, nisi sudorem eliciat, fere nocet.

Cortex

Cortex Peruvianus, a nonnullis scriptoribus in rheumatismo laudatus, raro profuit, saepe inutilis aut noxius evasit, nisi ubi remissiones evidentes ejus usum flagitabant.

Mercurius dulcis, ut et alia ex hydrargyro praeparata, suos quoque, nec paucos, habuerunt fautores. Sed medicamenta hujusmodi, utpote vi stimulante gaudentia, ad rheumatismi chronici curationem melius accommodata videntur.

Exactis omnibus quae de rheumatismo acuto proferre constitueram, jam superest pars operis longe gratissima; nempe, ut grates, utcunque tanto beneficio impares, persolvam Culleno, Monroio, et Gregorio, Professoribus nostris, tam humanitate quam scientia conspicuis, qui me, longo et periculoso morbo implicitum, (Deo opt. max. volente) faucibus orci eripuerunt.

Publicum

Publicum hocce grati animi testimonium, quod solum offerre licet, benigne velint accipere precor.

F I N I S.